


六度集經



百五十八
教八

48366



佛已塔樓
蘇州天女寺法金剛院置
藏各輪常轉

宣統元年二月

宣統元年二月

宣統元年

六度集經卷第八

敢

吳天竺三藏法師康僧會譯

明度無極經

凡九章

聞如是一時佛在舍衛國祇樹給孤獨園與
千二百五十比丘俱菩薩萬人共坐第一弟子
秋露子前稽首長跪白言車匿宿命有何
功德菩薩處家當為飛行皇帝而勸棄國入
山學道自致為佛拯濟衆生功勳巍巍乃至
滅度惟願世尊為現其源佛歎曰善哉善哉
秋露子所問甚善車匿累世功勳無量尔等
諦聽吾將說之對曰唯然佛言吾昔為菩薩
在尸呵遍國其王聞人或為道昇天或為神

祠昇天者王自童孺來常願昇天未知所由
國有梵志四萬餘人王視之曰吾欲昇天將
以何方者艾對曰善哉問也王將欲以斯身
昇天耶以魂靈乎王曰如斯坐欲昇天也曰
當與太妃可獲之矣王喜無量以金銀二千
斤賜之梵志獲寶歸快相娛樂寶盡議曰今
王取童男童女光華踰衆者各百人象馬雜
畜事各百頭先飯吾等却殺人畜以其骨肉
為陛昇天以事上聞王曰甚善即命臣外疾
具如之悉閉著獄哭者塞路國人僉曰夫為
王者背佛真化而興妖蠱喪國人基者也梵
志又曰儻殺斯生王不獲昇天吾等戮屍于

市朝其必也。重謀曰：香山之中有天王伎女，名似人形，神聖難獲。今王求之，若其不致，衆事都息。吾等可無說矣。又之王所曰：香山之中有天樂女，當得其血，合于人畜，以爲階陛。尔乃昇天王，重喜曰：不早陳之，今已四月始有云乎？對曰：吾術本末，王令國內黎庶並會，快火賞賜酒樂，備悉。今日孰能獲神女乎？民有知者曰：第七山中有兩道士，一名闍黎，一曰優奔，知斯神女之所處也。王曰：呼來使者，奉命數日，即將道士還。王喜，設酒爲樂。七日，曰：尔等爲吾獲神女來，吾其昇天，以國惠尔。對曰：必自免，迫退座，尋求二月，有餘經七重。

山乃之香山。覩大池水縱廣三十里。池邊平地有寶城縱廣起高各八十里。寶樹周城耀耀光。國池中蓮華華有千葉。其有五色光光相照異類之鳥。倡和而鳴。城門七重樓閣宮殿更相因。仍幢幡曄曄鍾鈴五音。天帝處中倡人相娛。七日之後釋出遊戲於池沐浴快樂已畢。當還昇天。池邊樹下有聖梵志內外無垢。獲五通之明。兩道士進稽首曰。斯音絕世將為誰樂。荅曰。頭摩王女等千餘人。于斯遊戲。方來修處。尔等早退。受命退隱。議曰。斯梵志道德之靈。吾等當以何方致天女乎。惟當以蠱道結草呪厭投之于水。令梵志體重天

女靈歇耳即結草投水以蠱道呪帝釋旋邁
諸天都然惟斯天女不獲翻飛兩道士入水
解其上衣以縛之女曰尔等將以吾為荅如
上說以竹為簿行道七日乃之王國詣宮自
懼王喜現女為之設食慰勞道士曰吾獲昇
天斯國惠尔王之元子名難羅尸為異國王
厥太子名須羅先內慈行和明照大初見世
衆生未然之事無竊不覩無微不達六度高
行不釋于心自誓求如來無所著正真覺道
法御天人師善逝世間解建于本無王曰吾
當昇天呼皇孫辭孫至稽首虔辭畢退就座
王曰尔親建民安乎對曰蒙潤並寧孫曰吾

不求天女爲妃者王必殺其儻國人以聞王
曰吾當以其血爲陛昇天孫即絕食退寢不
悅王懼其喪即以妃焉內外欣懌衆患都歇
四月之後梵志復聞曰當爲埵殺諸畜生以
填埵中取神女血塗其上擇吉日祠天王曰
善哉命諸國老群僚黎庶當與斯祀皇孫聞
之憮然不悅難梵志曰斯祀之術出何聖典
乎梵志荅曰夫爲斯祀祚應昇天皇孫難曰
夫殺者害衆生之命害衆生之命者逆惡之
元首其禍無際魂靈轉化更相嫌怨刃毒相
殘世世無休死入太山燒煮脯割諸毒備畢
出或畜生死輒更刃若後爲人有戮尸之各

者殘死之所由也豈有行虐而昇天者乎梵
志荅曰尔年未始智將何逮而難吾等皇孫
曰吾宿命時生梵志家連五百世翫尔道書
清眞爲首尔等巧僞豈合經旨乎梵志曰子
知吾道奚不陳之皇孫具說梵志影則聖趣
至清而尔等穢濁殘酷貪饕虛以邪祀殺人衆
畜嗜酒淫亂欺上窮民令民背佛違法遠賢
不宗盡財供鬼而親飢寒豈合聖趣沙門之
高行乎梵志等慙稽首而退孫即爲祖王
陳無上正真取正覺至誠之信言夫欲昇天
者當歸命三尊覺四非常堵絕慳貪植志清
淨損己濟衆潤逮衆生斯一也慈愍生命恕

已濟彼志恒止足非有不取守貞不失信而
不飲酒爲亂毒孝道枯朽遵奉十德導親以
正斯二矣忍衆生辱悲傷狂醉毒來哀往濟
而不害喻以三尊解即助喜子育等護恩齊
二儀斯三矣銳志精進仰登高行斯四矣棄
邪除垢志寂若空斯五矣博學無蓋求一切
智斯六矣懷斯弘德終始無尤索爲三界法
王可得昇天何難若違佛慈教崇彼凶酷殘
衆生命姪樂邪祀生即天棄死入三塗更相
彫戮受禍無窮以斯尤惡庶望昇天譬違王
命者莫獲高位也王曰善哉信矣開獄大赦
却絕諸妖即舉國寶令孫興德皇孫獲寶觀

斯窮民布施七日無乏不足布施之後勸民
持戒率土感潤靡不遵承天龍鬼神僉然歎
善爲雨名寶衆綵諸穀隣國慕德歸化猶衆
流之海也皇孫將妃辭親而退還國閉閤廢
事相樂衆臣以聞曰不除其妃國事將朽矣
父王曰祖王妻之焉得除乎召而閉之妃聞
恧然飛還本居之第七山覩優犇等告之曰
吾墳來者爲吾送之留金指鐸爲信父聞妃
去遣子返國不覩其妃悵然流淚護宮神曰
尔無悼焉吾示尔路妃在第七山疾尋可及
皇孫聞之即服珠衣帶劔執弓矢光耀四十
里明日至七山覩妃折樹枝投地爲識前見

兩道士問曰吾妃歷茲乎曰然以環付之翼
從俱行以木爲橋度彼小水之八山上覩四
禪梵志五體投地稽首爲禮曰覩妃經斯乎
荅曰經茲矣且坐須臾吾示尔處時天王釋
化爲獼猴威靈震山皇孫大懼梵志曰尔無
懼也彼來供養獼猴覩三道士疑住不前梵
志曰進獼猴即進以果供養梵志受之四人
共亨謂獼猴曰將斯三人至似人形神所曰
斯何人今之昇天乎梵志曰國王太子開士
之元首者也方爲如來無所著正直道最正
覺道法御天人師衆生當蒙其澤得建本無
獼猴歎曰善哉開士得佛吾乞爲馬優犍二

人一願為奴一願為應真開士曰大善即俱
昇天道有緣一覺五百人俱過稽首遣獼猴
還取華散諸佛上願曰今吾疾獲為正覺將
導衆生滅生死神逮于本無三人又如前願
俱為諸佛稽首而去到似人形神城門之外
獼猴稽首而退三人俱坐時有青衣出汲水
開士問曰尔以水為荅曰給王女浴開士脫
指鐶投其水中天女靚環即止不浴啓其親
曰吾夫相尋今來在茲親名頭彌喜而疾出
與之相見開士稽首為葺之禮兩道士稽首
而退王請入內手以女授侍女千餘天樂相
娛留彼七年存親生養言之哽噎辭退歸國

天王曰斯國衆諸今以付子而去何爲開士
又辭如前王曰且留七日盡樂相娛七日之
後有大神王詣天王所賀曰王女旣歸又致
聖旨天王曰吾女微賤獲聖雄之旨思歸養
親煩爲送之鬼王敬諾即以天寶爲殿七層
之觀衆寶天樂世所希覩鬼王掌奉送著本
土稽首而退開士覩親虔辭備悉祖王喜而
禪位焉天女鬼龍靡不稱善大赦衆罪空國
布施四表黎庶下逮衆生濟其窮乏從心所
欲衆生踊躍靡不咨嗟歎佛仁化潤過天地
八方慕澤入國若幼孩之依慈母祖王壽終
即生天上佛告秋露子皇孫者吾身是四禪

梵志者秋露子是優犇者今日連是闍犁者
今車匿是帝釋者今捷德是父王者迦葉是
祖王者今白淨王是母者吾母舍妙是妃者
裘夷是菩薩累載以四等引慈六度無極拯
濟衆生難為籌筭佛說經竟諸菩薩四輩弟
子天龍鬼神及質諒神靡不歡喜作禮而去

遮羅國王經

昔者遮羅國王嫡后無嗣王甚悼焉命曰介
歸女宗以求有嗣之術還吾不訖也后泣辭
退誓命自捐投墮山岨遂之林藪天帝釋感
曰斯王元后故世吾姊也今以無嗣捐軀山
險愴然愍之忽尔降焉以器盛果授之曰姊

介吞斯果必有聖嗣將爲世雄若王有疑以
器示之斯天皇神器明證之上者后仰吞果
忽然不覩天帝所之應則身重還宮覩王具
以誠上聞時滿生男厥狀尤陋覩世希有年
在齟齬聰明博暢智策無籌力能躡象走攫
飛鷹舒聲響震若師子吼名流遐迹八方咨
嗟王爲納隣國之女厥名月光端正妍雅世
好備足次有七弟又亦姝嚴后懼月光惡太
子狀訛曰吾國舊儀家室無白日相見禮之
重者也如無失儀矣對曰敬諾不敢替尊教
自斯之後太子出入未嘗別色深惟本國與
七國爲敵力諍無寧兆民呼嗟吾將權而安

之心自惟曰吾體至陋妃覩必邁邁則天下
康兆民休矣欣而啓后欲一覩妃覩厥容儀
后曰尔狀醜矣妃容華豔厥齊天女覺即捨
邁尔終爲鰥乎太子重辟后愍之即順其願
將妃觀馬太子佯爲牧人妃覩之曰牧人醜
乎后曰斯先王牧夫矣後將觀象妃又覩焉
疑之曰吾之所遊輒覩斯人將是太子乎妃
曰願見太子之光容后即權之令其兄弟出
遊行國太子官僚翼從侍衛后妃覩之厥心
微喜後又入苑太子登樹以果擲背妃曰斯
是太子定矣夜伺其眠默以火照覩其姿狀
懼而奔歸后忿曰焉使妃還乎對曰妃邁天

下泰平之基民終寧其親矣拜辭尋之至妃
國佯爲陶家賃作瓦器器妙絕國陶主覩妙
賣以獻王王獲器喜以賜小女傳現諸姊月
光知晉之所爲投地壞焉又入城賃染衆綵
結其一疋爲衆竒巧雜伎充滿觀世希現染
家欣異又以獻王王重悅之以示八女月光
識焉捐而不視又爲大呂賃養馬馬肥又調
曰介悉有何伎乎對曰太宮衆味余其備矣
臣今爲饌以獻大王王曰孰爲斯食臣如實
對王命爲大官監典諸肴膳以羹入內供王
八女欲致權道佯覆浹身諸女驚懼月光不
眴天帝釋喜歎曰菩薩憂濟衆生乃至干茲

乎吾將權而助之焉挑七敵國使會女都介
乃北民無禍息矣化爲月光父王手書以月
光妻之七國興禮造國親迎俱會相勞翔茲
何爲各去娉娶女名月光訟之紛紛各出手
書厥怨齊聲當滅介祀其爲不貸遣使還書
僉然詰曰以介一女弄吾七國怨齊兵盛介
喪國在于今矣父王懼曰斯禍弘矣將宿行
所招乎謂月光曰介爲人妃若誓明愚吉凶
好醜厥由宿命孰能攘之而不貞一盡孝奉
尊薄誓還國禍至于茲吾今當七分介屍以
謝七王耳月光泣曰願假吾命漏剋之期募
求智士必有能却七國之患者也王即募曰

孰能攘斯禍者妻以月光育以元福太子曰
疾作高觀吾其穰之觀成太子權病踏步頓地
須月光荷負尔乃却敵矣月光惶灼懼見屠
戮扶格登觀僅能焉太子高聲謂七國王厥
音遠震若師子之吼喻以佛教為天牧民當
以仁道而今興怒怒盛即禍著禍著即身喪
夫喪身失國其由名色乎七國師雄靡不尸
蹠者斯須而蘇欲旋本土太子啓王曰婚姻
之道莫若諸王矣何不以七女適彼七王子
皆蕃屏王元康矣臣民休矣親獲養矣王曰
善哉斯樂大矣遂命七王以女妻之八葺禮
豐君民欣欣于斯王逮臣民始知太子月光

之舊誓即選良輔武士翼從各令還國九國
和寧北民抃舞僉然歎曰天降吾父夫聖人
權術非凡所照德聚功成乃尔嬰然無復譏
謗還國有年大王崩殂太子代位大赦眾罪
以五戒六度八齋十善教化北民灾孽都息
國豐衆安大化流行皆奉三尊德盛福歸衆
病消滅顏影煒煒喻彼桃華所以然者菩薩
宿命室家俱耕令妻取食望覩妻還與一辟
支佛俱行隱山岸久而不至疑心生焉興忿
執鋤欲往捶之至見其妻以所食分供養沙
門退叉手立沙門食竟挑鉢虚空光明煒燁
飛行而退誓心悔愧念妻有德乃致斯尊吾

有重恩將受其殃即謂妻曰尔供養福吾當
共之餘飯俱食尔無訖也至其命終各生王
家妻有淳慈之惠生而端正誓先志而後慈
故初醜而後好也佛告諸比丘夫人作行先
惠而後奪後世初生豪富長即貧困初奪後
惠後世受之先貧賤而長富貴太子者吾身
也妻者裘夷是父王者白淨王是母者吾母
舍妙是天帝釋者弥勒是也開士世世憂念
衆生拯濟塗炭菩薩普智度無極行明施如是
菩薩以明離鬼妻經

昔者菩薩時爲凡人年十有六志性開達學
博觀弘無經不貫練精深思衆經道術何經

寂真何道寂安思惟喟然而歎曰唯佛經寂
真無爲寂安重曰吾當懷其真處其安矣親
欲爲納妻悵然而曰妖禍之盛莫大于色若
妖蠱臻道德喪矣吾不遁邁將爲狼吞乎於
是遂之異國力賃自供時有田翁老而無嗣
草行獲一女焉顏華絕國忻育爲嗣求男爲
偶遍國無可翁賃菩薩積有五年觀其操行
自微至著中心嘉焉曰童子吾居有足以女
妻尔爲吾嗣矣女有神德惑菩薩心納之無
幾即自覺曰吾覩諸佛明化以色爲火人爲
飛蛾蛾貪火色身見燒煑斯翁以色火燒吾
躬財餌釣吾口家穢喪吾德矣夜默遁邁行

百餘里依空亭宿亭人曰子何人乎曰吾寄宿亭人將入覩妙牀蓐衆珍光明中有婦人顏似已妻惑菩薩心令與之居積有五年明心覺焉曰姪爲蠹虫殘身危命者也吾故馳隱妻又逢焉默而疾邁又覩宮寶婦人如前復惑厥心與居十年明心覺焉曰吾殃重矣奔而不免深自誓曰終不寄宿又復遁逃遙覩大屋避之草行守門者曰何人夜行荅曰趣及前隙曰有禁無行內人呼前所覩如上婦曰自無數劫誓爲室家亦走安之菩薩念曰欲根難拔乃如之乎即興四非常之念曰吾欲以非常苦空非身之定滅三界諸穢何

但介垢而不能殒乎興斯四念鬼妻即滅中心
心熨如便覩諸佛處已前立釋空不願無想
之定授沙門戒為無勝師菩薩普智度無極
行明施如是

儒童經

昔者菩薩生鉢摩國時為梵志名曰儒童自

師學問仰觀天文圖讖衆書聞見即貫守真
崇孝國儒嘉焉師曰介道備藝足何不遊志
教化始萌乎對曰宿貧乏貨無以報潤故不
敢退也母病尤困無以醫療乞行傭賃以供
藥直師曰大善稽首而退周遊近國覩梵志
五百人會講堂施高座華女一人銀錢五百

昇坐高座衆儒共難覩博道淵者女錢貢之
菩薩臨觀覩其智薄難卽辭窮謂衆儒曰吾
亦梵志之子可預議乎僉然曰可卽昇高座
衆儒難淺而荅道弘問陋而釋義廣諸儒曰
道高明遐者可師焉僉降稽首菩薩辭退諸
儒俱曰斯雖高智然異國之士不應納吾國
之女也益以銀錢贈焉菩薩荅曰道高者厥
德淵吾欲無欲之道厥欲珍矣以道傳神以德
授聖神聖相傳影化不朽可謂良嗣者乎女欲
覩道之源伐德之根可謂無後者乎說畢卽
退衆儒赧然而有耻焉女曰彼高士者卽吾
始之君子矣褰衣塗步尋厥跡涉諸國力疲

足瘡頓息道側到鉢摩國王号制勝行國嚴
界覩女疲息問尔何人爲道側乎女具陳其
所由王嘉其志甚悼之焉王命女曰尋吾還
宮以尔爲女女曰異姓之食可徒食乎願有
守職即從大王王曰尔採名華供吾飾也女
即敬諾從王歸宮曰採名華以供王用儒童
還國覩路人擾擾平填墟掃地穢問行人曰黎
庶欣欣將有慶乎荅曰定光如來無所著正
真道寂正覺道法御天人師將來教化故衆
爲欣欣也儒童心喜寂而入定心淨無垢覩
佛將來道逢前女採華挾瓶從請華焉獲華
五枚王后庶人皆身治道菩薩請地少分躬

自治之民曰有餘小溪而水湍疾土石不立
菩薩惟曰吾以禪力下彼小星填之可乎又
念曰供養之儀以四大力苦躬爲善即置星
輦石以身力填之禪力住焉餘微淹漸而佛
至矣解身鹿皮衣著其濕地以五華散佛上
華羅空中若手布種根著地生矣佛告之曰
後九十一劫尔當爲佛号曰能仁如來無所
著正真道最正覺道法御天人師其世顛倒
父子爲讎王政傷民猶雨衆刃民雖避之難
免其患矣尔當於彼拯濟衆生時獲度者難
爲籌筭儒童心喜踊在虛空去地七仞自空
來下以髮布地令佛蹈之世尊跨畢告諸比

丘無蹈斯土所以然者受波之處厥尊無上
有智之士跼刹于茲與受波同諸天僉然齊
聲而云吾當住刹時有長者子名曰賢軋以
微柴插其地曰吾刹已立矣諸天頤相謂曰
凡庶豎子而有上聖之智乎即輦衆寶於上
立刹稽首曰言願我得佛教化若今今所立
刹其福云何世尊曰儒童作佛之時尔當受
波矣佛告秋露子儒童者是我身賣華女者
今裘夷是長者子者今座中非羅耶是非羅
耶即稽首佛足佛授其波後當爲佛号曰快
見佛說經竟諸四輩弟子天龍鬼神靡不歡
喜稽首而去菩薩普智度無極行明施如是

摩調王經

聞如是一時衆祐在無夷國坐于樹下顏華
煒煒有踰紫金欣然而笑口光五色當時見
者靡不躍豫咸共歎曰真所謂天中天者也
阿難正服稽首而曰衆祐之笑必欲濟度衆
生之寘矣衆祐曰善哉實如尔去吾不虛笑
即興法也尔欲知笑意不乎阿難對曰飢渴
聖典誠無飽足也衆祐曰昔有聖王名摩調
時爲飛行皇帝曲四天下心正行平民無竊
怨慈悲喜護意如帝釋時民之壽八万歲也
帝有七寶紫金轉輪飛行白象紺色神馬明
月神珠玉女聖婦主寶聖日典兵聖日帝有

千子端正仁靜明於往古預知未然有識之類靡不敬慕帝欲遊觀東西南北意適存念金輪處前隨意所之七寶皆然飛導聖王天龍善神靡不防衛散衆寶華稱壽無量帝勅近臣主中櫛者尔其見吾頭髮生白即當以聞夫髮白色毀死之明證吾欲捐穢世流俗之役就清淨恬怕之行近臣如命後見髮白即以上聞帝心欣然召太子曰吾頭生白白者無常之證信矣不宜散念於無益之世今立尔爲帝典四天下臣民繫命于尔尔其愍之法若吾行可免惡道髮白棄國必作沙門立子之教四等五戒十善爲先明教適畢即

捐國土於此廬地樹下除鬚髮著法服作沙
門群臣黎庶哀慕躃踊悲哭感結摩調法王
子孫相繼千八十四世聖皇正法末後欲虧
摩調聖王復捨天上以魂神下從末世王生
亦為飛行皇帝号名曰喃正法更興明勅宮
中皇后貴人令奉八戒月六齋一當慈惻愛
活衆生二慎無盜富者濟貧三當執貞清淨
守真四當守信言以佛教五當盡孝酒無歷
口六者無卧高牀繡帳七者晡冥食無歷口
八者香華脂澤慎無近身淫歌邪樂無以穢
行心無念之口無言矣身無行焉勅諸聖臣
道行英士下逮黎民人無尊卑令奉六齋翫

讀八戒帶之著身日三諷誦孝順父母敬奉
耆年尊戴息心今詣受經鰥寡幼弱乞見給
救疾病藥醫衣食相濟共乏無者今詣宮門
求所不足有不順化者重徭役之以其一家
處于賢者五家之間今五化一先順者賞輔
臣以賢不以貴族自王明法施行之後四天
下民慈和相向殺心滅矣應得常護夜不閉
門貞潔清淨非妻不欲一不言二出教仁惻
覩不常誠辭不華綺見彼吉利心喜言明大
道化行凶毒消滅信佛信法信沙門言無復
疑結喃王慈潤澤無不至八方上下靡不歎
德第二天帝及四天王日月星辰海龍地祇

日共講議世間人王四等慈惠恩之所至過
於諸天天帝釋告諸天曰寧欲見喃王不乎
諸天曰積年之願實如明教帝釋即如伸臂
之頃至喃王慈惠殿上見喃王曰聖王盛德
諸天飢渴思欲相見無日不願聖王豈欲見
物利天其上自然無願不有喃王曰善思欲
遊戲帝釋還彼呼御者名曰摩婁以吾所乘
千馬寶車迎喃王來御者承命以天車迎喃
王車至止于闕下群臣黎庶靡不愕然斯聖
王瑞歎未嘗有更相宣稱率土咸歡我王普
慈潤逮衆生月六齋八戒自修又以教民斯
德重矣故今天帝敬愛來迎也喃王昇車車

馬俱飛徐徐徘徊欲民具見王告御者且將
吾觀惡人二道地獄餓鬼燒煮考掠受其宿
罪之處御者如命畢乃上天帝釋歡喜下牀
出迎曰勞心經緯憂濟衆生四等六度菩薩
弘業諸天王思欲相見帝釋自前把臂共坐
喃王容體更變香潔顏光端正與釋無異即
作名樂其音無量散寶華香非世所覩帝釋
重曰慎無戀慕世間故居天上衆歡聖王之
有也喃王志在教化愚冥滅衆邪心今知三
尊荅帝釋曰如借人物會當還主今斯天坐
非吾常居暫還世間教吾子孫以佛明法正
心治國今孝順相承戒具行高放捨人身上

生天上與釋相樂佛告阿難喃王者是吾身
子孫相傳千八十四世立子爲王父行作沙
門阿難歡喜稽首而曰衆祐慈愍衆生恩潤
乃尔功福不朽今果得佛爲三界中尊諸天
仙聖靡不宗敬諸比丘歡喜作禮而去
阿離念弥經

聞如是一時佛在舍衛國優犁隙中時諸比
丘中飯之後坐於講堂私共講議人命致短
身安無幾當就後世天人虫物無生不死愚
闇之人慳貪不施不奉經道謂善無福惡無
重殃恣心快志惡無不至違於佛教後悔何
益佛以天耳遙聞諸比丘講議非常無上之

談世尊即起至比丘所就座而坐曰屬者何
議長跪對曰屬飯之後共議人命恍惚不久
當就後世對如上說世尊歎曰善哉善哉甚
使當介棄家學道志當清潔惟善可念耳比
丘坐起當念二事一當說經二當禪息欲聞
經不對曰唯然願樂聞之世尊即曰昔有國
王名曰俱獵其國有樹樹名着波洹樹圍五
百六十里下根四被八百四十里高四千里
其枝四布二千里樹有五百一而王及宮人
共食之二而百官食之三而衆民食之四面
沙門道人食之五而鳥獸食之其樹果大如
二斗瓶味甘如蜜無守護者亦不相侵時人

皆壽八万四千歲。都有九種病：寒、熱、飢、渴、大、小、便利、愛、欲、食、多、年、老、體、羸、有、斯、九、病。女、人、年、五、百、歲、乃、行、出、嫁、時、有、長、者、名、阿、離、念、彌、財、賄、無、數、念、彌、自、惟、壽、命、甚、促、無、生、不、死、寶、非、已、有、數、致、災、患、不、如、布、施、以、濟、貧、乏、世、榮、雖、樂、無、久、存、者、不、如、棄、家、捐、穢、濁、執、清、潔、被、袈、裟、作、沙、門、即、詣、賢、衆、受、沙、門、戒。凡、人、見、念、彌、作、沙、門、數、千、餘、人、聞、其、聖、化、皆、覺、無、常、有、盛、即、衰、無、存、不、亡、惟、道、可、貴、皆、作、沙、門、隨、其、教、化、念、彌、爲、諸、弟、子、說、經、曰、

人、命、致、短、恍、惚、無、常、當、棄、此、身、就、於、後、世、無、生、不、死、焉、得、久、長、是、故、當、絕、慳、貪、之、心、布、施、

貧乏撿情撮欲無犯諸惡人之處世命流甚
迅人命譬若朝草上露須臾即落人命如此
焉得久長人命譬若天雨墮水泡起即滅命
之流疾有甚於泡人命譬若雷電恍惚須臾
磨滅命之流疾有甚雷電人命譬若以杖捶
水杖去水合命之流疾有甚於此人命譬若
熾火上鈔少膏著中須臾燹盡命之流去疾
於少膏人命譬若織機經縷稍就減盡夫命
日夜耗損若茲憂多苦重焉得久存人命譬
若牽牛市屠牛一遷步一近死地人得一日
猶牛一步命之流去又促於此人命譬若水
從山下晝夜進疾無須臾止人命過去有疾

於此晝夜趣死進疾無任人處世甚勤苦多
憂念人命難得以斯之故當奉正道守行經
戒無得毀傷布施窮乏人生於世無不死者
念彌教諸弟子如斯

又曰吾棄貪婬瞋恚愚癡歌舞伎樂睡眠邪
僻之心就清淨心遠離愛欲捐諸惡行內洗
心垢滅諸外念覩善不喜逢惡不憂苦樂無
二清淨其行一心不動得第四禪吾以慈心
教化人物令知善道昇生天上悲心傷愍恐
其墮惡吾見四禪及諸空定靡不照達其心
歡喜以其所見教化万物令見深法禪定佛
事若有得者亦助之喜養護万物如自護身

行此四事其心正等眼所受見麤好諸色其
耳所聞歎音罵聲香熏臭穢美味苦辛細滑
麤惡可意之願違心之惱好不忻豫惡不怨
恚守斯六行以致無上正真之道若曹亦當
行斯六事以獲應真之道念彌者三界衆聖
之尊師也智慧妙達無竊不明矣其諸弟子
雖未即得應真道者要其壽終皆生天上心
寂志冥上禪定者皆生梵天次生化應聲天
次生不憍樂天次生兜術天次生鹽天次生
忉利天次生第一天上次生世間王侯之家
行高得其高行下得其下貧富貴賤延壽夭
逝皆由宿命奉念彌戒無唐苦者念彌者是

我身諸沙門，仿行精進，可脫於生老病死憂
惱之苦。得應真滅度大道，不能悉行，可得不
還。頻來溝巷之道也。明者深惟人命無常，恍
忽不久，纔壽百歲，或得或不得。百歲之中，凡
更三百時，春夏冬月各更其百也。更千二百
月，春夏冬節各更四百，月更三萬六千日。春
更萬二千日，夏暑冬寒各萬二千日。百歲之
中，一日再飯，凡更七萬二千飯。春夏冬日各
更二萬四千飯也。并除其為嬰兒乳哺未能
飯時、儻懔不飯或疾病或瞋恚或禪或齋或
貧困乏食之時，皆在七萬二千飯中。百歲之
中，夜卧除五十歲為嬰兒時，除十歲老時，除

十歲營憂家事及餘事除二十歲人壽百歲
纔得十歲樂耳佛告諸比丘吾已說人壽說
年說月說日飯食壽命吾所當爲諸比丘說
者皆已說之吾志所求皆已成也汝諸比丘
志願所求亦當卒之當於山澤若於宗廟講
經念道無得懈惰決心之士後無不悔矣佛
說經已諸比丘無不歡喜而爲佛作禮而去
鏡面王經

聞如是一時佛在舍衛國祇樹給孤獨園衆
比丘以食時持應器入城求食而日未中心
俱念言入城甚早我曹寧可俱到異學梵志
講堂坐須臾乎僉然曰可即俱之彼與諸梵

志更相勞來便就座坐是時梵志自共爭經
生結不解轉相謗怨我知是法汝知何法我
所知合於道汝所知合何道我道法可施行
汝道法難可親當前說說著後當後說反前
說多法說非與重擔不能舉爲汝說義不能
解汝空知汝極無所有汝迫復何對以舌戟
轉相中害彼一毒報以三諸比丘聞子曹惡
言如是亦不善子曹言不證子曹正各起坐
到舍衛國求食食竟舉藏應器還到祇樹爲
佛作禮悉坐一面如事說之念是曹梵志其
學自苦何時當解佛告比丘言是曹異學非
一世癡冥比丘過去久遠是閻浮提地有王

名曰鏡面諷佛要經智如恒沙且民多不誦
帶瑣小書信螢火之明疑日月之遠見目瞽
人以為喻欲使彼捨行獨遊巨海矣勅使者
令行國界取生盲者皆將詣宮門且受命行
悉將國界無眼人到宮所白言已得諸無眼
者今在殿下王曰將去以象示之且奉王命
引彼瞽人將之象所牽手示之中有持象足
者持尾者持尾本者持腹者持脇者持背者
持耳者持頭者持牙者持鼻者瞽人於象所
爭之紛紛各謂己真彼非使者牽還將詣王
所王問之曰汝曹見象乎對言我曹俱見王
曰象何類乎持足者對言明王象如漆箒持

尾者言如掃帚持尾本者言如杖持腹者言如鼓持脇者言如壁持背者言如高几持耳者言如皴箕持頭者言如魁持牙者言如角持象鼻者對言明王象如大索復於王前共訟言大王象真如我言鏡面王大笑之曰瞽乎瞽乎尔猶不見佛經者矣便作偈言

今爲無眼會
坐一象相怨

空諍自謂諦

覩一云餘非

又曰夫專小書不覩佛經混濇無外巍巍無蓋之真正者其猶無眼乎於是尊卑並誦佛經佛告比丘鏡面王者即吾身是也無眼人者即講堂梵志是是時子曹無智坐盲致諍

今諍亦具坐諍無益佛是時座具檢此卷令
弟子解爲後作明令我經道久住說是義足經
目冥言是彼不及
自無道謂學悉介
常自覺得尊行
以墮繫世五宅
抱癡住望致善
所見聞諦受思
見世行莫悉隨
與行等亦敬持
是以斷後亦盡
莫自知以致黠

著癡日漏何時明
倒亂無行何時解
自聞見行無比
自可綺行勝彼
以邪學蒙得度
雖持戒莫謂可
雖黠念亦彼行
莫生想不及過
亦棄想獨行得
雖見聞但行觀

悉無願於兩面

胎亦胎捨遠離

亦兩處無所住

悉觀法得正上

意受行所見聞

所邪念小不想

慧觀法意見意

從是得捨世空

自無有何法待

本行法求義諦

但守戒未為慧

度無極終不還

察微王經

昔者菩薩為大國王名曰察微志清行淨惟

歸三尊稟玩佛經靜心存義深觀人源始自

本無生元氣強者為地軟者為水煖者為火

動者為風四事和焉識神生焉上明能覺止

欲空心建神本無因誓曰覺不悟之儔神依

四立大仁爲天小仁爲人衆穢雜行爲蝮飛
蚊行蠕動之類由行受身厥形万端識與元
氣微妙難覩形無絲髮孰能獲把然其釋故
稟新終始無窮矣王以靈元化無常體輪轉
五塗絲絲不絕釋群臣意衆闇難寤猶有疑
焉曰身死神生更受異體臣等衆矣豈識往
世也王曰論未志端焉能識歷世之事乎視
不覩耗孰能見魂靈之變化乎王以閑日由
私門出麤衣日行就補履翁戲曰率土之人
孰者樂乎翁曰惟王者樂耳曰厥樂云何翁
曰百官虔奉兆民貢獻願即從心斯非樂乎
曰如尔云矣即飲之以蒲陶酒厥醉無知抗

著宮中謂元妃曰斯蹠翁云王者樂矣吾今
戲之衣以王服令聽國政衆無恠焉妃曰敬
諾其醒之日侍妾佯曰大王酒醉衆事猥積
宜在平省將出臨御百揆摧其平事朦朦曹
曹東西不照國史記過公巨嗟切處坐終日
身都痠痛食爲不甘日有瘦瘵宮女訛曰大
王光華有損何爲荅曰吾夢爲補蹠翁勞躬
求食甚艱難云故爲瘠耳衆靡不竊笑之也
夜寢不寐展轉反側曰吾是補蹠翁耶真天
子乎若是天子肌膚何處本補履翁緣處王
宮余心荒矣目精乱乎二處之身不照孰真
元妃佯曰大王不悅具奉伎樂飲以蒲陶酒

重醉無知復其舊服送著鹿牀酒醒即寤覩
其陋室賤衣如舊百節皆痛猶被杖楚數日
之後王又就之翁曰前飲介酒酒眩無知今
始寤耳夢處王位平省衆官國史記過群寮
切瑳內懷惶灼百節之痛被笞不踰也夢尚
若斯况真爲王乎往日之論定爲不然王還
宮內與群臣講論斯事笑者聒耳王謂群臣
曰斯一身所更視聽始今尚不自知豈况異
世捨故受新更于衆艱魑魅之拂靡忤之困
而云欲知靈化所往受身之士豈不難哉經
曰愚懷衆邪欲覩魂靈猶朦朦晦行仰視星
月勞躬沒齒何時能覩於是群臣率士黎庶

始照魂靈與元氣相合終而復始輪轉無際
信有生死殃禍所趣佛告諸比丘時王者是
我身菩薩普智度無極行明施如是

梵皇經

聞如是一時佛在舍衛國祇樹給孤獨園佛
告諸比丘汝等修德奉行衆善必獲大福譬
如農夫宿有沃田耕犁調熟雨潤水適下種
以時應節而生芸除草穢又無災害何懼不
獲昔我前世未爲佛時心弘普愛愍濟衆生
猶若慈母育其赤子如斯七年仁功勲著壽
終魂靈上爲梵皇号曰梵摩處彼天位更歷
天地七成七敗當欲敗時吾輒上昇第十五約

淨天其後更始復還梵天清淨無欲在所自
然後下爲忉利天帝三十六反七寶宮闕飯
食被服音樂自然然後復還世間作飛行皇帝
七寶導從一者紫金轉輪二者明月神珠三
者飛行白象四者紺馬朱驪五者玉女妻六
者典寶臣七者聖輔臣事事八万四千王有
千子皆端正皎潔慈仁勇武一人當千王介
時以五教治正不枉人民一者慈仁不殺恩
及群生二者清讓不盜損己濟衆三者貞潔
不姪不犯諸欲四者誠信不欺言無華飾五
者奉孝不醉行無沾汙當此之時牢獄不設
鞭杖不加風雨調適五穀豐熟灾害不起其

世太平四天下民相率以道信善得福惡有
重殃死皆昇天無入三惡道者佛告諸比丘
昔我前世行四等心七年之功上為梵皇下
為帝釋復還世間作飛行皇帝典四天下數
百千世積功德滿諸惡寂滅眾善普會處世
為佛獨言隻步三界特尊諸比丘聞經歡喜
為佛作禮菩薩普智度無極行明施如是

六度集卷第八

敢

神祠音童孺下而注反者艾下吾蓋反陛

蒲米戮屍上音六說過也犇字倡和上音唱

旋邁

反上

目宜

反

歸往

下也

莫拜

為薄

下木

音

非東

人

少

日茂

窈窕

冥

反於

皎

搯

音

坎

行虐

下殘

也魚

酷却

反水

北

人

下音

嗜

貪音

也視

慝

慝

也六

反

堵

反

歆

一

銳

反

貪

利也

悼

傷音

盜

徑

斯

上音

享

許

反

歆

頭

謨

音

哽

噎

作梗

咽上

禪

位

也上

封

又

傳授

也

本

嫡

音

墮

于

逕反

山

阻下

音

林

藪

無下

水音

日

也

齧

上

音

謹

反換

齒

和

謂

男女

躄

也

益

攬

手

獲

反

姝

反

朱

訛

反

豔

字

鰥

無

日

六

牧

人

音

之

養

伺

相

候

反

騃

正

饌

床

日

挑

挑

二

同

土

妻

之

上

帝

反

以

女

反

併

不

音

義

下

他

代

詰

日

起

一

攘

之

却

也

踏

除

音

僅

反

纒

也

尸

反

也

疑

作

下

兩

反

謂

地

也

動

趣

蕃

屏

上音煩反
下音餅反
扑舞
手擊也
變反
熨然
上反
崩殂
胡在

反也
灾孽
下魚
蝗之
禽獸
鋤
床踈
反
捶
反
委

打喟然
上丘
位反
臻
側巾
反
遁邁
上徒
反

餽餉
上仍
志反
贖食也
下
螞虫
音義
上今
疑作
薑

養毒
隙
音聚
弥
徒典
反
絕
識
楚店
反
今
驗有
薑

傭賃
上音
容下
力也
剡
自
深也
陘
古字
文
披然
上

核反
慙而
褰衣
上反
去
挾瓶
上反
湍
他
流也
淹

也
豎子
下時
主反
巾擲
下阻
比梳
也
日喃
反
咸

也
必
蕭反
慎煩
上下
同用
也
徭
音遙
考掠

下力
向反
一音
經緯
謂下
音
隙
音聚
財賄

下呼
每反
鄭玄
迅
疾也
閏反
鈔
楚交
邪辟
下

目布
鼻謂
之
一
迅
疾也
閏反
鈔
楚交
邪辟
下

復 鹽 正 蓋 字 乳 哺 下 音 步 食 懷 其 去 反 玉 篇 音 勞

來 去 聲 字 並 戟 居 逆 鎖 小 上 作 瑣 蘇 果 反 正 也 瞽 音 無 古

目 脇 虛 業 反 漆 箏 下 音 童 掃 帚 以 下 之 反 籛 箕 必

个 反 又 必 我 脅 反 魁 苦 回 潢 洋 上 音 黃 積 水 也 又

義 去 二 字 正 合 作 混 養 上 玩 音 煖 燂 二 同 奴

呼 廣 反 流 下 音 浪 反 蹠 翁 上 音 隻 音 義 女 一 反 咳

也 胡 代 反 恨 也 苦 猥 鄙 也 反 百 揆 反 徯 菴 又 莫 紅 反

去 亂 也 悶 也 一 磋 切 上 七 何 痛 痛 上 正 作 骨 痛

節 疾 明 也 斯 反 簾 竹 音 鹿 說 文 酒 眩 音 上 正 作 暝

也 縣 一 痲 病 疾 斯 也 反 答 鞭 丑 撻 知 反 聒 耳 上 音 忤 音 誤 朕 寬 上 音

迷 覓 也 一 痲 病 疾 斯 也 反 答 鞭 丑 撻 知 反 聒 耳 上 音 忤 音 誤 朕 寬 上 音

結 反 也 起 骨 下 正 也 反 田 肥 上 鳥 毒 反 芸 除 上 音 秘

草 作 臆 也 凡 醫 骨 下 正 也 反 田 肥 上 鳥 毒 反 芸 除 上 音 秘

六度經八卷

